

集部

阪定口事全等 欽定四庫全書 方不善用者以長而合短長短方員所謂格也惟不得 臣聞天下之物有有格者有無格者善用者以方而合 石洞集卷二 應點書三 斜官那凡六篇 決資格 明 葉春及 撰

馬口舉人馬曰歲貢馬低昂视乎眉睫美惡隨乎唇吻 穀解翰之殊其所以理乎事者有狀也成於天者有 也官有崇卓繁簡而崇卑繁簡之中又有治教兵刑錢 其彼此之宜是以龃龉而不相入以此合彼尚不能入 又有政事文學言語勇客之異其所以成於天者有形 况以無而合有哉今夫人有知愚賢不肖而賢知之中 如生人之初執而姓之曰其也其也亦遂以為其為 理乎事者有狀謂之格也亦宜均是人也而曰進士 形

RET TO STATE 分之所成而亦何以自解嗟乎其所以武而拔之者果 尤上於天子不能者無由自至馬亦非塞其門而扼之 禮 者不若合乎成於天者之為得也雖然人之所隨曷當 至者固所謂賢固所謂知矣鄉貢之士羣而武之拔其 不謂天之所成矣乎學校之士羣而武之拔其尤進於 其而已豈故有是哉故夫官人之法與其合乎隨於人 則其至者又所謂賢又所謂知美人之所第一因其 部 不能者無由自至馬初非塞其門而扼之也則其 石洞集

其取是以隨其質之所宜而論之以為卿大夫士鄉遂 所合哉昔者成周之士有選属造進之分葢畫然別矣 理之以有形之實然則人君欲以格而臨天下可不 空文靡解不足以定有形之實而徒被之以無據之名 官而用之者果取之於空文靡辭乎將取之於賢知也 取之於知愚賢不肖乎將取之於空文靡辭也其所以 所以與之者六德六行六藝也名之即其實用之即 教兵刑錢殼解翰之需不徒理之以無據之名而乃 知

鱼坑四母生

火宝四事合馬 肖哉居貧而氣歉也故謂歲貢之不如舉人舉人之不 變也富人之子顏色效麗動止容與犀處而聲揚起趨 之所拘過於周代甚非所以廣英才而成化理也且夫 如進士此兩者可以觀美歉則易委委則靡然而有 抵熾進退惟谷欲談而宛舌將行而擬足豈其盡愚不 之吏適有以相合而不爽今格之所定疎於司徒而格 而 天下亦多故矣而非氣則莫之能濟居之所乘氣之所 趾高崖其盡賢知哉居富而氣盈也貧人之子出入 石洞集

產合浦何則聚之衆而擇之易也今以三年之率計之 舉人三倍於進士美歲貢三倍於舉人美然舉人望逃 五之道也臣竊疑之十團之木必生鄧林徑寸之珠必 望乎九卿可謂越拘擊之見馳惟墙之制而獨觀乎三 則人主孰與共天下哉陛下知資格之弊奮然欲決去 振盈則易足足則荡然而無不為抑者既靡引者又蕩 一發德音下明的深嗟太惜歲 貢不得為方面舉人絕

士百不一二馬歲貢望舉人百不一二馬即有之亦間

欠三日日上上十五 之良皆得如此士高銓之等及其益事治民有可指見 三人以下且無縣使顯融而試之於事與民舉人歲貢 誠以其人而已兹欲使進士盡為判尉如宋則其勢必 初官使惟務仁賢下品無墜地之汙上第無登天之 署左官巡邑僻郡者也且汲及去之矣諺曰困虞鷄栖 不可行况舉人既已不注而又國之盛典臣愚以為自 乎或尚未免於拘攣惟墙乎不然何宜見而不見也國 不啄亦提言非其據也豈其無留良乎抑方振而未應 石洞集

格之中者有格而使之無格也弃人於無格之外者無 專 王作人於有格之中而不弃人於無格之外作人於有 後夫宣論此學問該博文章典麗斯可以為翰林節 舉業故樂人不能如進士得遂出身歲貢不能與舉人 武禮部至於銓注亦多訟馬則舉業之為也既官之 改其官登降用含不復以科為斷益初進之時惟 用進士下不薄鄙歲貢校官他可知矣是以古之 方國體練達斯可以為科道故國初於斯三選上不 人にする 聖 操 間

舉保敦實與科舉並用二千里歲舉一人不惟其多惟 至使之欣然皆有自奮之意夫不强為之格以盡天下 中乃補上之人又必遇之以禮養其魚恥不為限其所 其稱因其所舉以為舉主賞罰天下無得入錢為吏試 奴隸之志又其甚矣臣欲請復賢良路科令監司守令 哉今則置而不收賤而不齒草澤多枯槁之夫胥史懷 胥史小吏悉屬明揚功施廟廊光垂琬琰亦豈以格拘 格而强為之格也别乎祖宗之朝草澤九流咸充任使

便定四車全書

石洞集

置而不求其所以發置之原則其功不可就今夫人之 臣 隅方者止於一方天下之事非一隅一方 擬也欲有廢 於東必先圖於西非彼之疲而西之勞也隅者止於 則天下之人亦何必多為等級以拒絶之哉 即愚不肯亦皆鼓舞以進於善官職不修未之有也然 之才而但察其所宜以合其用則賢知大小各得其 聞聖人之治天下將欲置於此必先管於彼將欲廢 清仕進 分

跃定四事全書 之法三載考續吏非大不可忍即署不稱亦俟九載通 絕於奸吏此天下之士争以為言而任卒不能久祖宗 則遷徙太遽賢者不獲展其才不肖者得以追其責上 愈甚無益也六卿之事其賴此矣祖宗朝吏皆久任今 下無扭習之美前後有相嫁之心迎送糜於小民簿書 處治之而不辨其受病之由則雖俞跗在前巫咸在後 有五臟也分之雖各一其司合之則一人之身也是故 職受病則必轉相傳變綿延而不窮已苟徒指其 石洞集

官七百三十自謂以此足待天下賢才今內外文職二 則來愈逼則去愈速也故夫任不能久而考察之罷 於江河之浪矣後者高則前者下後者下則前者高何 年煽俗此天下之士争以為言而法卒不可復臣嘗觀 密 馬是以吏多苟位之私人懷 患失之 應調該成風食 考而熟防之今朝覲考察罷至五六千人耗矣網亦少 分少にた 四百疏列亦不少矣而常患不足其故可知也國初 不多者凡以取之不精而進之太濫丹昔唐太宗定 不

火定四年全营 數其餘一萬以待吏員過矣九歲之中除進士暨乙榜 諸科其數多寡益亦相等武以九年通計今日之額歲 以國初坐堂歷事除選日期計之大都亦須九年則是 萬餘而合今日見任科第歲貢監生出身文職適當其 贡七千餘人舉人三千餘人進士固多在其中也以此 學校成貢三成不過一千餘人舉人不及其半今三歲 人願受職者僅一干餘人得出身外尚餘九千餘 千餘人歲貢倍差然國初學校之外尚有舉保 石洞集

三千則是几服官者皆有九年任也天下固無畫然順 事更衰老物故又居二三者乎三年所選不及二三千 其數者多即如畫然順次此一萬餘人皆以三年去二 十年第九年之選在第十八年 則是十八年 中九千餘 九年中九千餘人無一人當選者也第一年之選在第 人始皆盡選者也以後九年之選而布前九年之人則 朝親考察雖不過為密網加以衰老物故罪免有幾 一年中止有一千人當選者也況乎九年之後時邁

火足可与下上 能當一 國初人才官職所以無有餘不足之患也別更員固 多卑職雖繁而下格亦衆以來而乗往以速而乗人此 不寧司馬無可奈何而病移於司農國用不輕邊儲 矣自非炯相大臣幾人至此是故尊秩雖少而高 者五十歲歲有一人則已九年者有一人可加五十年 成有一人則已九年者有一人可加一年美不能九年 ,萬者乎彼歉則此益舒美自夫將士太蠡疆場 石淵集 格

次之理而以衰老物故罪免去者亦不少不能九年者

|幸壅閉滞積益數萬人是以用之率皆苟且方今之病 故皆不務進修惟求速化宗伯無可奈何而病叢於冢 角至於上部亦遂雕眉更逐一二十年其骨則已腐矣 無舉人之迹也歲貢之次四十春秋即使受儀方將總 吏員悉從贤得桑倫為納斯之司銓衡乃償債之府而 病移於宗伯冢牢倖途既啟正路彌榛監生選期垂二 **匮司農無可奈何於是推廣之例與上納之徒 濫監生** 載者教三年縣令立至此所以部多乞思之士而監

金グビルノニ

**尺足口事全日** 者考較去留視具等益彼上納皆富厚有餘之家所不 京 百十金哉其三考滿吏吏部嚴考通者次者留選不通 足者非財也東帶不事亦可以為榮矣朝廷恩意豈直 籍府州縣學肄業不通者給與冠帶放還復其身需選 較去留視其等合上納生考之通者留監次者發回原 司府州縣不通者給與冠帶放還復其身需選者考 石洞集

将之庶有廖耳臣欲合上納吏考之通者以次分役在

結聚惟行倒倉之法去其宿藏然後茹淡甘素漸以

在

身 者罰以後不復再開上納之門令督學歲貢生員才識 會官嚴者通者次者留選不通者給與冠帶放逐復其 種與舉人已注選籍者得以分布於九年之間其親老 今日歲貢舉人悉從坐堂積分歷事除選之制使前數 明達可進於善乃遣廪雖多而文行不優者勿貢斷自 亦如之卷解於部隊取者罰聽選到部歲貢監生吏部 者給與冠帶放逐復其身省祭於家者巡按語具會考 候選於家者巡按藩泉會考亦如之卷解於部謬 琴二

金はいたとう

人已日日上上 或增秩或褒以璽書而時糾劾作去尤無良者則朝 之意由是擇其人之最賢職之最重者久任之或賜 冗夫取之精則下有可用之才進之不濫則上無輕 老疾鄙陋不堪者則特科舉保二三百人自不見其繁 職要擇之嚴而得之不易歲貢在監在歷亦時罷去其 中仍從歷事而選選必九載則與歷事之期亦適相當 人自不求速化如歷事之人短於政而長於學亦授教 願受教者驗之果實亦必坐堂一年文行俱中方授 不 石 润 金

署則壅於藩県況進士雖不肖人皆有不忍之心罷於 由歲貢而壅於知縣矣進士固可為知縣也由舉人而 納監生吏員多而歲貢壅於校官舉人固可為校官也 能也或謂方面之臣率皆甲第其人不多胡為亦壅而 苟不求其受病之由而徒欲有所廢置是以牽制而 考察雖欲多罷亦不可得底幾哉官得人而民受福矣 不能久矣進士不能久於縣則壅於部署不能久於部 不能久益人之壅自下而上歲頁固可為慕尉也由上

金分口看台書

精而逃之不濫豈直舉貢以下哉不如是則久任不行 TANDER ALL 課法不立而治出於苟且其必果於自 斷而不奪於衆 來國人不治矣當是時即墨大夫最賢而左右乃日 縣者百一年是一進士當二三舉人存一進士則去 臣當讀史而嘆齊威王得御臣之術也齊威王委政以 人之論可也 學人矣存一 審舉劾 舉人則去二三歲貢矣然則所謂取之 石洞集

敢飾詐務盡其誠齊國大治夫即墨賢封賢阿不肖京 磐者並京之譽阿者即毀即墨者也於是羣臣震恐莫 之田野不闢民貧苦趙攻甄不救衛取薛陵不知不肖 萬家阿大夫最不肖而左右刀日譽之也威王使人視 寧賢也則召而語之曰子不事吾左右以求譽夫封之 之也成王使人視之田野關人民給官無留事東方以 不肖可矣而私毀私譽之必誅豈非讒妬者即壞政之 )則召而語之曰子其以幣厚吾左右以求譽夫烹之

動分四母全書

てこうい シュー 性之所為則將横發爛縱邪氣益張正氣益耗幾何且 正則必先制其性炮灸浸渍靡不備至苟不制伏而惟其 即舜之称與今夫倉公之用藥也將欲使之去邪而 原朋淫者乃假手之道哉驩兜之放於崇山也其罪不 未见行科道封彈亦惟其巨天下司府州縣官吏賢否 不溘然以斃也君之用人何以異此近日京朝保任久 也由此言之威王之所以奮其飛鳴以警動臣工者其 可考見獨故當舉共工耳而舜亦自言其聖讒說於行 石洞集

是千百中之一耳其勃者必州縣小官也不然必舉 必進士州縣也不然必其突梯章脂善為媚者也不若 **擯弃錦繡鴈行避影鵠立臨厠傴僂唯諾口呐呐如有** 百中之一耳是故東方明美卑疵而候於門屏斥益與 獨在撫按臣當聞邱報矣其舉者必方面大官也不然 吞則大官莫不皆然況小官乎何者祈舉而免劾 方面也不然必其倔强倨亢不善為媚者也不若是千 至矣喘汗而迎於途抱机視膳望塵展拜羞品極

蜀分 四庫全書

张 王 四 車 全 島 之道以以其事觀之則言者莫敢妄言臣皆迹其事矣 此其不少矣而臣安敢妄有以武之哉人之言曰聽言 大蠹時俗之深痛也夫天下如此其大矣賢人君子如 以玉石混淆邪正雜糅公道榛塞人心幾幸此國政之 官举页止泊有所吾之劾者常在馬而又邀之以娟是 官进士薰灼未艾吾之舉者常在馬而又速之以媚小 進士莫不皆然况舉人以下乎何者祈舉而免劾也大 陸供張擬王者凡所以悅耳目娱心意者纖悉具備則 石洞集

則传人登而直人遠豺狼載道牂豕為幸程鼠同遊狐 之緩急其可使乎皆往往被舉矣此臣所以妄議之也 歌老幼係累戾夫為之涕下典兵者未當進一卒以援 下一家固無敵國相侵之宛然郊門之外盗賊日屠 見其不留也貧苦失職間里呻吟百姓未見其寧也天 不完人民未見其給也官怠而不勤吏奸而俟賄事未 慈雚成林倉庾告匮田野未見其闢也糟糠不厭裋 雄妍因乎强弱則剛者吐而柔者茹美惡視乎苦甘 鄉 裮

生シロ人

1:11 TITLE

次定四百十五十五 籍正者留中省閱副發吏部與二三大臣雜治之考語 蜜變態使遇威 王必無事矣且藥未有不制而可用者 行刑賞其有賢能徒以格卑或不善媚被劾仍選之不 供考舉劾驗實如所謂使人視阿即墨之為者然後以 奏其中村之人可上下者別具考語以聞各為正副二 俾察官吏果有賢能超異與貪暴尤甚者明者實迹特 巡按之责令都察院堂上官保舉强幹魚明御史遣之 也臣願陛下攬虞帝之權收齊王之柄審舉劾之司重 石洞集

然則齊威之術可以其異於舜而弃之哉 人之不忠也天子固無自為之理而左右又不可盡信 殊耳聩而淫雅相混則是必天子自為而後可耶甚美 賢退不肯為稱益中人最多為治有要是以齊縣上十 自被舉與舉劾不實者悉問如律使還堂上考察以進 至廣人主安能盡知故寄耳目於左右目瞽而黑白不 舉之吏則其制乎御史即所以制天下郡縣也夫天下 止取二人公道的明能不懷畏而又操執乾綱專治刺

饭 巴事全事 責之繁防之客而不寬以待之則其勢有所不勝責之 此而已尊者制卑者也而其制於君則遠矣卑者制 簡防之球而不嚴以待之則其勢無所於憚且非獨 而責乎尊者甚簡防乎卑者甚露而防乎尊者甚敢也 尊者宜嚴而御卑者宜寬也何則上之責乎卑者甚繁 其當則將淫縱罷竭各求其歸而意不在於上是以御 惟寬嚴者豈非人主所以御臣工者哉用之而不得 御尊卑 石洞集

卑力有不勝則 萬然日投乎尊而皆不 眼於朝廷之 津關之警寂米鹽頭屑節錯絲芬皆集於令自此以 君子之顯晦禮樂教化之墜舉鰥寡孤獨之苦樂山 戶口之贏的徭役獄訟之輕重風謡俗尚之醇疵賢人 子惠養百姓其職最卑而與民最親者非縣令哉田賦 故人君之御臣不可不異其術也方今承流宣化為 尊者也而其制於君則遠矣心無所憚則肆然日乗 過總其大凡官漸尊而事漸省美故曰責乎卑者甚 产 政 谷

瑟

KED131 1.1 毛不能盡心王事則制尊非也夫嚴者人君之大用嚴 然而防之密非為苛也責之祭不束縛也則其待之固 之亦未當不嚴而天下縣吏每苦於煩文縣節多如牛 未當不寬凡之總责益大矣察之少防益精矣則其待 尊而察漸少矣故曰防乎卑者甚密而防乎尊者甚疎 目之所不容雖有匿瑕十手之所共 指自此以上官漸 繁而責乎尊者甚簡一人之身州察之也府察之也藩 司察之也按察又察之也御史又察之也雖有深垢十 石洞東

是日麗省之邑引道之今所最病馬鳴鐘而與束帶 送之苦宿水暴嶺供具之夙弃舊腐新伺揖之勤廢時 然奪於大吏之不當然矣是故泰謁之勞踰旬經月 見其如此亦皆折而歸之鰓鰓馬日罷其力而不知倦 之也令之當防者未當防而其不當防則防之也小吏 相反心志非背令之當責者未當責而其不當責則責 之所在心之所歸也今之待大吏亦稍寬矣是以上下 何服其他哉益朝廷之寬奪於大吏之嚴朝廷之當 迎

金分四

母生書

是以天下之合皆自謂俗皆自謂奴夫俗者辱行也 日之間則夫田賦戶口之類而為政宜知者何時理哉 未幾據座未媛圖書朝來又為之營魄遺矣欲詞乡下 得休達曙而不得寐此臺僕之倫而胥史之恥也登堂 矣乃若逐遊靈勝流連燕飲莫不隨而候之窮日而不 與督促程係怔怔數日前者方已出境而後者復告至 出奔走於十數人之庭趨於東而恐其失於西呼叱升 又為之計贖銀矣煩大瘁其形縟節關其心卒卒無一

火足四年全

史正已格物防護隨從之人馬驢舟車之具廪食楮墨 以嚴而制大吏是亦不能用其威也臣愚謂宜嚴責御 者贱名也而不解馬此無他故矣朝廷之法死而大吏 竊而行今大吏以其嚴恐悸小吏使之歸心而吾不能 其勢然矣且其防責亦曷當不本朝廷哉名是而實 士以臺諫見嚴舉人則譴訶不免欺調刑章調媚權責 之炤張也拜伏少愆睚眦成隙即如朱卓孰則明之進 此輕而被重也夫虎之威百獸震問尚不能用則 狐

火迁四五十七十 於寬嚴信當異其用矣 析也熱本善擊 雕之益迅即本易糜壓之益敗人君之 為事而不致以私投乎其尊此人主所以制御臣工之 荒怠孰逃罪哉益大吏畏吾之嚴必以朝廷之心為心 色守巡違憲必劾奏之則令得有暇裕盡心王事其有 之需迎送何謁之禮悉如憲令母以煩文縟節重擾下 而不敢以私乗乎其卑小吏藉吾之寬自以朝廷之事 擇將帥 石洞集

宣 父子夫婦不相保此將吏不肖也昔我太祖皇帝以馬 関 懌而邊郡之好肝腦塗荒墟膏液潤腐草老稚係累 ᆀ 寸也敞車非任重之資而覺腳非致遠之器也則將 不然哉雖然王良造父天下之善御者也使之策覺即 臣觀蘇洵之論將即曰將将一大有司耳非相比也豈 駕敞車骨苦筋勞躑躅而不能進非長於尺而短於 ,播於下而甘澍之灑不能及於覆盤華較之地泳沫 相比亦烏可不慎擇乎哉方今天子憂勤於上大臣 固

火軍四年全妻司 成馬間外之寄悉屬武臣以為指刃揮兵塞旗陷陣非 將之道籌之審矣都司衛所編錯守內要害之處置鎮 豎儒所能辨也昇平既人法令益 弛統務之子 泰於醒 之夫倪首下氣唯唯聽命是以總副參遊有將之名束 故仁宗皇帝命文臣臨鎮治文書議機客參軍務理邊 聽甘脆之中沉於絲管城校之際肌節為級智識鈍眊 上得天下摞中属例與諸公並見於中原者十餘年御 後皆改都御史稱提督矣天下治安縉紳用事介胄 石洞东

縛而不能振軍放大權上歸提督下獨備兵吃然將 金少せんとこ 揁 下鄉聚屠戮點首擄掠子女目的而不見巢奪民田虧 醇益光寵福厚矣盜賊滿山耳號而不聞百里之內攻 人遂據而有之入則列兵而居出則陳戟而遊擊鮮飲 之任矣故此兩者不可不慎擇也今之所任者誰也章 連畫惶以外委以啖贼倍力為巧許匿不上聞師虚 國賦心榜而不知惴惴然幸不攻城却庫自可數日 小生持方幅之紙摇手而攫高第安坐数年富贵逼 帥

我 曳 總 聞 関 則 附 户 縮 頸 矣 奈 何 令 婦 人 女 子 勵 哉 臣 功執空文以調主上此民之所以哀籲而無告也豈其 交近日日から 者後十日試以騎射意念深矣非大聖人孰能如斯臣 致師非苟而已是以太祖皇帝洪武三年定科舉格中 亦以是而與之與施行禮樂書數同選用之於戰皆能 觀三代之時多以車戰故士自少即學射御司徒大比 點 悍选趵奮臂而善 鬭者壯士也婦人女子緩步柔聲珥 與賊暱而利民死哉身家重而勇畧微聾然一置儒耳 石洞集

拊 之鷹揚而稱張良之似婦人不稱孔子之却來而稱 為騎射一人敢耳不足以得大將殊不知武之弓矢驟 注於具籍授官時以為捕盗通判兵部主事使之治寇 欲令鄉會中式舉人願試騎射者如洪武三年例武中 行選講方晷習韜鈴以待備兵提督之用然而論者以 神亦豈有將帥而不善弓失縣馳哉論者不稱太公 猶儒之縣脈揖讓也善縣鄉揖讓者未必能為聖賢 有聖賢而不善與觚揖讓善弓矢縣馳者未必能

金牙口月百書

2 揖讓本不足以得人豪傑由之而出 何 况弓矢縣馳使 置身其中左顧右助示水道乎科舉之學較士於槧脈 陣 欠足四事 全馬 何由哉駕萬斛於大海楫之櫓之非長年也而惟其命 騎射之技其志深其氣壯矣備兵提督固不必出入行 **夫軍旅之事以志為主以氣為用者也章縫之人而善** 预之不穿礼是皆獵取一二以自解說其無能而已且 聽苟不嘗習聞洪濤而股慄見巨浪而心悸尚安敢 與敵角一技之間然而定議運謀鼓銳制勝非志氣

若又合文於武則其智識足以料敵勇界足以當患而 金少に万 成虚文武官訓練率皆弛廢至居間外所聽命者又豎 勢可以有為夾對董貴誰不聽命又使訓練武官歲時 語且待之甚輕即至總副參遊要亦命於人非命人者 雖設但其所得不過挽强引重之麤材入耳出口之腐 天下之人知上意之所在必有割然響應者方令武舉 武以俸而制賞罰其頭雖者必至矣今熟臣 也國家何賴馬臣思謂武中式舉人於騎射以為 教讀既

兵提督便

而加於士夫者常逃於法之中禮之施於庶人者常忽 之事有大不平者馬刑之加於庶人者常溢於灋之外 臣聞記曰刑不上大夫禮不下庶人自兩言者出天下 正刑禮

人為下而無禮臣雖不知其然否而大夫之不能無刑 石洞集

曰刑無上也不以大夫為上而無刑禮 無下也不以庶

弃而至於無而施於士夫者常淫縱而至於偽矯之者

大江日本上五十二

位 板圖之刑書如天象示人章章矣證明供定然後如法 庶人之不能無禮則可知也顧有差等再何則天下之 以德部爵大夫有德故不近刑使其敗德刑不免矣但 人各有其分聖人者因其分而低昂之者也先王之制 為 故不備禮然而天秩不能違矣但其等級名數視大 杖訊校徑分長短皆有成式除節目禁筋鐵勘之校 從於執縛係引视庶人為優矣乎禮以群位庶人 殺矣乎嗟夫今之天下何其大不平也國朝微具

金はじたノニ

钦定四事全書 問見吏侵盛百姓天下大亂益傷之也立國之初貪墨 吏治兢兢不至於奸黎民乂安洪武三十年乃定官吏 者加以法外之法者為官吏受枉法贓滿貫罪紋之律 鷹無爪虎而冠者也民重足 一逆矣昔我太祖起自民 片言觸忤扑擊數十立斃庭下此夫殺人不操刃者也 竹夾以二尺之木論未成而死過半矣甚至無罪之人 健之吏以毛擊為治不問曲直 不别善惡錐以五寸之 决之自一而五自六而百所以懲姦邪而衛良民也武 石洞集

則其迹愈微况子小官亦為大吏積也萬一被劾不過 吏之贪益小官比哉其位愈尊則其攫愈夥其入愈巧 求之府府求之縣縣安取之哉駕醉文籍實則金銀借 受贓滿贯者為雜犯罪死許贖令行而 羅歸城柴而不追法入而不取何以治其下哉臣故曰 統土儀實為賄賂敗則歸總遺之人家則為囊索之富 為園也今仁厚過多食女萌起格罰公拏賣請私奪司 漏石丹良可既已御史行部即有断擊亦小官耳大 奸改故破觚 而

**篋為事廢而不問三加不舉六禮不修遣女滿車葬** 人のフラ ない 歌樓上切雲漢乃有設容貌倚市門非君子所忍想 奔馳千里而赴之常人琢器雕題匹庶曳綺履錦酒館 稱客報祀為出門之祭祈名嶽媚淫鬼男女雜亂畫夜 衰納婦誕子甚至以水火為棺槨此紙父之罪也遺祖 殫家設席肆筵椎牛擊鼓旛幢蔽道緇黄盈室括髮持 於法之中謂此也國家制禮達乎庶人俗吏以刀筆筐 石洞集 盂

刑之加於庶人者常溢於法之外而加於士夫者常逃

金 四月全世 隸卒之軍以禮為銀之通稱可怪也昔者老明慎周之 官則凝民矣及夫下吏之奉上司外官之奉京贵色色 文飾以折儀之語下片楮於郡縣令支無礙官銀無礙 能炎門可矣則坊表歲樹風屬可探則慶賀時臻華 無禮甚矣至於士夫所謂禮者莫非泉貨之私甘養之 有辭而無慙俱謂之禮實則銀耳是以今日市井之人 可援則總臨網壓腥鹽可附則起居頻仍標以將敬之 種其所以行之者皆有名而可言其所以受之者皆

J. 10 ... /... 司凡犯贓罪官無大小悉問如律或從輕或從重或杖 夫之偽禮不革則庶人之常禮不明臣愚以為宜敕法 並美故士夫法中之刑不加則庶人法外之刑不去 吐 者常忽弃而至於無而施於士夫者常淫縱而至於偽 薄而罪之首今之禮又 何如哉臣故曰禮之施於庶人 末摘碎為禮性情離而素樸散也激而言曰禮忠信之 此也詩曰柔亦不如剛亦不吐柔不茹矣而又剛 何哉剛者制乎柔者也吾吐乎剛則剛茹乎柔勢不 石洞集 ᅪ

銀烷四库全書 於過而士夫則不及士夫之禮易至於過而庶人則 官邪之當糾益無大此矣 及吾能防束士夫使無殘賊鄙夷乎民各得其本然之 分之所在則各有宜毫釐不可越者但庶人之刑易至 昏喪祭禁其靡魔邪僻夫士夫之於庶人雖有尊卑而 按治之百官以銀為禮以贓論責成守令重民四教冠 決或發遣併不許贖內外獄具一如圖板達式肆虐必 分而其尊卑之序實則未當有爽是亦天下之至平也 

臣愚以為天下之亂皆起於處士好為高論夫上自畿 應詔書四 安民生几六篇 結尺心

蒙莊氏乃始咨嗟嘆慕容成赫胥之世填填顛顛不知 君臣之為恩而德澤之為辱前堯讓舜使天下欣欣馬 內下至海隅懷生之類於喜忧悍豈非至治之極哉而

至目為題也則過激矣益自周室既衰諸侯力政疆國

石洞集

美

とうこと しょう

之自得乎其心非有言貌怨憑之令沾沾爾夫民而自 利之而不庸日遷善而不知為之者言王者之於民使 馬言其功業文章入民者深非一端可指數也孟子之 金元四年全書 論王伯其就長美曰王者之民皡暭如也殺之而不怨 夫豈如此孔子曰大哉堯之為君也蕩蕩乎民無能名 欲反於太古之時以相安於苦樂兩忘之境儒者之論 兵事此民之始苦也蒙莊氏謂有愉樂刀有愁苦於是 務攻弱國修守驅民於鋒鎬戰勵之中嚴刑重賦以供

大日日中心島 選子入海以求珠貝觸霧滅頂不得其休息其心固惻 聲之入民深也使治天下不欲 偷樂則是必愁苦而後 得其心則其與上益學結而不可解故曰仁言不如仁 民乃天子之民非守令之民也苦樂休成漢不相關 惻也自秦罷封建置郡縣分裂點首守令治之天下之 民雖其用之至煩苛矣而莫不有憐憫之意此如貪人 奈何其不鳥舉而去也葢當時之君各專其國各私其 可耶後之君子羞稱五伯而其為治反不能使民驩虞 石洞集

旦有急孰得而有之哉夫奉天子之德宣播訓勉以和 鲜百姓者誠守令責也然教之出也由上而尊 教之行 民皆不思於上怨懟舊居平居無事尚以空名相制 之有田皆其貨市而力得者不知使事之義以為吾自 不得下完以不知使事之民而治以不關休成之吏故 E 胡越人矣又况井地壞阡陌開縣官無田以業 貧民民 有田縣官反從而征之也敛之則施腹而龍役之則戴 而視重以有司鐘楚党抑朝廷雖有仁政之布格而 卷二

金牙正是人言

K E D Late Kirking 榜文在內月朔京尹引赴御前宣諭至諄切也有司 問巷之所共游耳目之所素習委曲開諭快然信服是 沿漫不加意齒德馬校搶充徒竊皆於鬱鐵耳遷 之制重者老之選民間争競付聽決馬警以木鐸申 丞尉以事相教益自古任之矣惟我太祖皇帝定里甲 以漢有三老嗇夫俾其勸導鄉里助成風俗得與縣令 之人徒爾聽命教戒雖詳而不得其所以誠然者惟 也由下而明何则下者其所親也彼見縣今非其等夷 石川

官列於鄉者又皆狡獪超走之夫臣恐民心未知所悅 者亦宋有司固多承德而休戚不問者益亦不少役於 百姓民得美衣甘食秋電皆帝力也而不知使事之義 各社財屈於巡檢非成周胥军之任矣方今天子加惠 不常里圖久混因鄉建長所以維之附郭力罷於州縣 一里之訟立孝弟無過力田不怠衆所推服者為鄉長 臣愚謂宜慎重守令俾擇高年有徳者為老人以平 鄉之衆歲時屬民讀法使知朝廷之所以教養

孟为四月有量

大江日上 朝廷之忠於喜忧釋以戴天子此成周所以有道之長 時贏詘皆得言而行之欺 誕為奸利者懲創變置如此 良而董責其無賴社中又時訓練以防意外之虞吉月 生全乎我者如是其至而我民之所以供賦服役皆其 則問間之下皆知朝廷設官立法本以為民而民實受 禮長於庭問民苦樂賦役輕重刑狱當否盗賊起滅天 **美之不能已者趙耕耘禁游惰行四禮脩五教獎其善** 也今守令既皆漠然而長老刀若是耳彼鳥知朝廷之 石洞集

金好工門人 供涉僅文尋而倍蓰不啻此天下所以苦不平也語井 意所欲縣官特總其賦之大凡兩廣踰千萬而儋石不 陷 之田皆歸天子上之所授有常而下之所輸有定也阡 臣聞三代之時無輕重之賦貧富之人此何故也天下 心哉故夫使民喜悅不可謂非王道而不留念也 開田不授於縣官皆民貨市而力得者縱横分裂惟 於後世腐儒矣然而强陵弱衆暴寡知傾愚不為整 較賦稅

邀富室廣俠輕重雜亂混淆富者田廣而賦反輕貧者 火にとのもといれる 於富人憚於征徭割數畝之産加數倍之賦無直以兌 貧民貧民逼於窮蹙持難售之田苟速售之利減賦以 納有推無收有總無擦倏忽變幻鬼不可得而原也至 逃絕謂之死寄分於子戶謂之帶管留於賣主謂之包 為巧詐飛走干形機說萬狀派於見在謂之活洒藏於 今天下田地不均官民異則狡獪之胥 豪悍之族倍力 齊劑量聽其自生自治逃為君臣則豈父母所忍哉益 石涧集

里 金少四万月 事哉且夫土地之數載之以籍不若稽之以圖也 西 大禹灑而澹之東歸於海若溝瀆然也天下豈有難為 司徒以天下土地之圖周知九州之地城我朝黄冊 狄而賦反重富者有公侯之資 貧者為狗姦之食此 田 按地更城之不易行首者洪水沸出益漫於天地矣 以流徙徧於山林而盜城難禁也蘇軾號稱豪傑而 圖馬亦圖其戶耳益人補錯而居圖於東而移於 則星分暴置千古不易故人不可以圖拘而 周

|徭役里長代辨益先王之世八家同井宅在田畔人之 收除而窮其田之交易或失覺或奸利以致遺糧租稅 **某處田若干某田稅若干魚鱗圖之占田者書於其下** 民起科惟以肥瘠為則因地定賦裒多益寡如額而止 損出入莫可踪跡臣愚謂宜盡天下田地弓之不以官 人十年更書圖則如故更造之際里長察之即其稅之 里有幾鄉鄉為幾圖里長掌之圖與黄冊相並占田之 可以圖得也惟以田而繫人不以人而繫田是以增

次定四事全島

石川等

个 數之 此 欺隱之罪里長雖同未當實以責之是以弊如牛 方田宅異所一 里之田必問此里之長彼里之人占此里之田 此里之稅必問 既圖里甲復圖田地此里之長居彼里之地不 耕衆共知賦之所入衆共供也故弊不作今彼此殊 矣黄冊固當隨里通 所以憚 井 里之人目不相識一甲之田足 田 難復者以為守令數易不 此里之田 計封內田地第有數而無圖 雖未優畝 披圖 如封建 可见 Ė 後 ホ 谐 相 世 難 躡 問

グロス

久モリー 矣豈 樂之乎 辨 當孰受孰洒孰寄其知必詳有代辨之虞其防必至 其數未免私為 登降漸積漸差復如前矣或 謂里長代 然里之田城雖如其圖未免除為贏胸國之田賦雖 必於故者受其指示即世於其土何異哉益同比間 於其土豪髮洞析亂無從也田賦伸縮一問里長更者 則通者無忌代者無可奈何揭其田標其稅苗明 均里甲 /... Б :19 11 不 如

徒肆為巧偽或詭寄他籍或假托衰殘或詐稱時零或 役馬其初亦甚均也及其既久消長不齊重以奸利之 數為分析版冊所載遂大逕庭一里丁糧多者至干少 十户為甲甲有首一百一十户為里里有長十年而 下之至情亦事理之可見也國家之制以里甲任萬民 臣曾讀詩至於鴻鳩而知父母之 心也父母有三子馬 操 則食稻衣錦極其燕樂一則 觚且為溝中齊矣其將任之乎亦將均之乎此天 糟糠粒 褐僅能自完

家者所率寡信均平矣然應辦之例雖定於額之中而 之而有均平之議計通邑一年應辦幾何各甲直年丁 而愚者常重此詩人所以致詠於北山也故當事者患 供其之數恒溢於額之外率銀未敷直日如故别通邑 為應辦之所費不復輸戶直日丁糧多者所率多丁糧 程我何丁一率銀幾何糧一率銀幾何以丁糧之所率 日有後先可以推移權歸胥吏於是富而校者常輕貧

不滿百有司惟以戶役之也況乎輪應之際事有大小

**災定四車全書** 

石洞集

如數者止加一倍者加充一馬加二倍者加充二馬其 何實在丁糧幾何爬而分之母一里長當得丁糧幾 多是今年輕而明年重也故當事者忠之而有爬平之 應辨歲無損增而各甲丁糧年有多寡明年寡而今年 也然里長之名即間胥之任也綱比絲聯法度且整整 下以是為差丁糧應辨斬然畫一此亦天下之至平 以是為差少十一者加一充馬少十二者加二充馬 一色之丁糧均一邑之里甲計一邑原役里長幾 何

表二

矣離一 文定の事合 滿計至何日即以次年續之有餘以續次年若夫追 以分配日一年約三百六十六分如當年丁糧分數 千六百六十分以應十年連閏三千六百六十日之數 糧之數無大相遠不必拘於一定將一邑丁糧析為三 者代甲首缺者補衰多益寡移彼足此而戶則如故 礙誠恐獄訟所由與也莫若仍舊制而稍更之里長匱 又況學割之苦將不勝其煩苛押閩之勞將不免於牽 而為二三鳩二三而為 石洞集 得無紊亂非事體子 Ē

獨殺 於常經差徭责乎倍出糧長困於重頁是野葛也可以 為爱惜雖均何益有野葛寸馬一人食之則死百人食 固己皆得其平詩曰淑人君子其儀一兮淑人君子胡 **投亦以其分助之如此雖里甲木嘗盡變其籍而貧富** 不萬年其儀惟一故願之也雖然里甲均矣上之人 則病枵腹食之則死果腹食之則病共茹薄食雖不 攝心盡一年而止五年差徭亦以其分編之每年 一人而憔悴者百美又况枵腹者衆乎今里甲溢

金女正元八十

REDIA CIL 萬之夫備萬乗七十五萬之衆則是七夫而城一兵 而食之寡矣國初之制殆不然哉惟其廢而不修故 臣觀三代而降兵農異處於是有天下者恒患兵之多 均與之哉 今日兩受其弊而莫振成周以丘甸制兵五百 一十 人而田與追胥竭作矣國初置衛四百九十一所 白在行不常然亦豈能晏然無事者至於鄉遂則家 修軍政 石湖集

是軍之力盡南畝而民反不速也三百一十萬餘之軍 五十四萬人犀聚而耕之比之軍之所耕乃其半耳則 籍者六千五十四萬則是二十人乃一人為兵也況乎 八百四十九萬條以八十九萬九千餘田分麗三百 守城者三屯田者七二八一九四六中半之法因地異 萬餘之軍人得二十九畝八百四十九萬餘田六千 不耕者少矣天下屯田八十九萬九千餘項官民田 一十一以軍計之約三百一十萬餘而是時口之登

金以四月百世

とこのら ハン 藝於三採田者講武於隊月內外相維彼此互發兵我 之也至於今日軍之存者八十四萬餘四之一兩糧 供於民者無幾也軍多為農故雖額設數百萬而不見 奮倉廪實故雖師興數十萬而不見其難且有待於 其冗食出於軍故雖歲費數千萬而不見其置城者較 納餘糧六石八十九萬九千餘項通得餘糧二十七百 **歲食糧三千七百二十二萬餘石屯田二十畝除正糧** 石則是軍之食軍自給之邊儲之所運軍需之所徵

石洞集

Ē

是以漕栗鹽引悉取諸民一旦有急坐食之人圍視 見其為多也且以七一之糧而食四一之軍必不能給 任存之栗故今日之食誠病其寡兵雖不速於昔亦祇 須縮則供縮子置八十條萬坐食之人以蠹三百餘萬 兵元糧武少矣而軍愈見其不足豈非脫籍者衆在籍 者也兵冗則食匮軍既少矣而糧不見其有餘食匱則 者又坐食乎未墾者衆已墾者又糜於坐食乎二者相 存者三百七十七萬餘七之一爾夫兵與食相為贏 縮

多人工人工

待其他益人四方無擇而田萬古不移或侵於萬萊或 與軍之所耕何損合二人之入以募一兵百萬之師可 給器具授之貧民而責之六石之入而無月糧之費此 夺於豪右可以往 牒求也令誠未得軍以耕之 明疆畔 以重困也臣愚謂宜修國家之制復兵食之舊有田則 事又塗肝腦以代軍之死此灋之所以益弊而民之所 不能戰復驅民兵當之無事既沒膏血以奉軍之生有 不患無兵有兵則不患無食有兵食則不患無用而何

又是日日白

石洞集

之不給乃若有司抑配必遣肚丁既犯明刑不宜肆赦 遗 亡之罪實在空缺之數行部所至可不稻乎胡專彼而 為名何所不問隱占縱放之弊老弱顧倩之奸侵削逃 愛籍者則當究原在伍行核補伍俟報雖萬里之遥亦 而求其苗者矣至於清軍丁盡戶絕者固當結罷易名 顧得也也田憲臣但督子粒不履田畝所謂舍其根 此也軍伍既充然後守城者城屯田者屯豈患乎食 二年可返也奈何獨付之文墨問哉况乎官以清軍

鱼分四月百世

待驅不教之民以蹈必死之地哉雖然今之所以重發 烫 定四事全島 環列衛所皆投石超距之士一旦遇敵勇氣自倍亦何 之苟不寬假人皆顧忌而以養軍之民戰彼已養軍 兩關勢不俱完彼此相當已足原有坐視退縮乃宜罪 自保之謂哉從便乗機剿捕會捕律則已許之美若夫 官軍者畏擅調而恐折傷也夫衛與守禦云者豈嬰城 豪富之家寧沒其産以廣屯樹教練之法必如會典騎 弓弩鎗刀之武各有式程官不操練具開如律庶乎 石洞泉

朝鮮國門十萬之師已夕至於境內矣益兢兢如此 行何者人情之終不能抑也不能抑而抑之彼必出於 臣聞聖人之治天下因人情而為之制是故予之則以 者謂春秋之時列國选與争為會盟諸侯之使日交於 吾法之外公然犯禁而恩不在於上令之 驛傳是也說 為恩禁之則不敢犯立法而不本乎人情則將有所 '其所以授館具徒致絮獻顧者織悉備至少失尺寸 驛傅 ネ

尚書韓文以買騙全身尚實在豬以馳驛被謫雖逆瑾 車之異原糧夫力之殊具在職掌連者有罪亦已嚴矣 待諸侯也但其限之太嚴是以犯法者衆益今天下置 秋是不然周官之制遗人掌郊里安積以待賓客列國 驛建所內非公差特古外非奏事行部不許馳傳馬驢舟 於郡縣郡縣給之後世之所以待臣子即列國之所以 之所以待諸侯即成周之所以待臣子也奉符乘軺至 世天下一家奉符乗軺皆朝廷臣子勢自不能以如春

钦定四事全書

石洞集

芜

一般我臣聞聖人之治將有以禁之必有以予之然則 法之所許止於十一而人之所犯過於百千亦安在其 名 樓船金鼓殷天精整委地驛循不足縣以繼之夫馬聯 者乎仕官稍通薰及稍盛將出京美即與之勘合將 京美即與之勘合隨其所之而與之勘合假以官舍之 邻 '擅權張焰亦吾法之有可指也今日士夫孰能逃 多者断百此民之所以愁苦無聊力盡而骨立也夫 以公務之目千里邀遊道路如織陸行雕與水行

惠尊卑大小倀伥馬又且日入於冒豈所謂法哉臣愚 之財而不自以為思有司賓竊朝廷之財而乃自以為 官员到任一千五百里之外皆許應付人情之至矣而 不受其同類等夷之人故情有所難抑是以職掌文武 益人出身而任固將以求一時之樂而人之仕者亦莫 所以能禁以其能予而已今之禁而不能予之者狭也 謂宜緣職掌之意取尚官之法粉兵部會議內外官員 亦國之大體況天下歲費數十萬以給過客熟非朝廷 石湖集 7

くこりをという

踰越骨立之民庶我得以小甦州縣無應答之煩可以 盡心民事尊官不至横求卑者亦無道途匮乏之處夫 平正大而無許冒之態人亦有所易守規格截然不得 牃 其品級為之限制一豪不得踰越違者罪之歲計州 自我品以上以禮往來者皆得馳驛應付有罪者否因 所貴已倍徒之明為之法則天下之思悉歸朝廷 於驛不必別求而用自足益今雖不許之馳驛而州 傅外所以應付過客夫馬下程延席費者幾何悉

部分正居 全重

臣觀有天下者皆畏四裔而輕盜賊豈以四裔長技 法有不勞而可行者殆謂此矣 去盜賊 非

单 居邊外寥廓之野隔山谷壅沙幕天地所以限內外 山澤小氓比哉嗟不然矣志不在大即折膠控弦不過 竊苟有異志荷組持挺非黄馘之匹夫也况四裔 僻

蟠我疆土據我膏腴利而出攻不利入保此腐腸之

石湖集

早

大きりしてい

侵寇剽掠天性固然明烽燧謹斥埃斯鳥獸遁矣盜賊

擄子女巢據田宅驅奪畜牧芟夷農功白骨滿山赤 如 為 毒矢而刺腹之犀刃也四裔此之懸矣臣自結髮即 演池之上搏之如作鼠具有司為轉官計匿不以聞 外以明中國之威無從也生長領東日親盜賊之害 天下之志謂丈夫當以身報主犁庭掃間揚旌萬里之 陛下陳之惠州盗賊垂十年矣初益一二山置弄兵 敗絮之風按於東而出於西攻下鄉 上變反擊扑之於是緣轉瀰漫媚毛而起至於今日 聚屠戮老少俘 故 有 百

金岁正是人

人に口事を与 贼 管府治百里之内破三十餘圍殺萬人陛下豈聞之 百姓而無嚴如此是官與賊市也粤南在五顏外明珠 以外委以啖賊而不顧賊亦明知其意不向城府日啖 胡越也惴惴然祈不叔庫攻城自可數日而遷故畫隍 乎盡地方之官 心非忠義志在富贵其於百姓不啻若 以講武為不急以玩寇為苟安將盗賊妖逆隱蔽從容 千里此仁人之所伤也陛下幸哀憐百姓韶各地方官 不早撲滅往往釀成大患至明聖矣臣去年五月離家 石州集

胡越之人而托兵食之計匱不亦宜乎專之郡惠為小 臣歸善縣人也親戚故舊城據多矣方其平居 縣 间 不為更動念殺戮之禍甚於北垂更加欺蔽不得與北 貝以速見珍常為吏所愛惜民生其間以遠易侮持 被憂恤賦稅之入等於中州田歸盜賊且與羈縻郡 相 脫簪珥骨內充任使何者情之也而處之周也以 視益悲痛愁苦矣然在位者必以兵食之 匱為解 一人若無也至陷賊中檄俘擄逐曠不然且斬 一金若

金少四九八十

たとのりとい 務精兵二千有餘得以大軍該討賞罰行之而惟成功 是責則此大軍之舉費半功倍安危之計豈不以人哉 食患也況惠官軍外民兵二千八十六人有司倍役之 收倡人之利籍整霍之兵遂并顧表南面稱孤昌為兵 守仁曰狼兵之調非特所費不貲其殘掠不減於盗南 則四千餘矣城守狼兵又不下一千正德間都御史王 僻恆美山海之貨尚未盡賦蒲菹之荡尚未盡除趙 石洞集

惠之邑龍川為小而趙作別龍川起也當秦漢時惠益

重员口人 素著欲垂名於竹帛者而後委用則見肝腦塗地其情 告急不悅者矣奈何民不枕籍而死也二者當擇臣於 前篇已具言之宜決資格求豪傑必得忠義自許勇畧 視人眉睫指揮以下聽人肱臂又何责哉今之在位旨 備 求豪傑以典兵提督兵備征伐之柄在馬守令告急兵 命假便宜以重權慎剿撫以務本而兵食不論也 臣敢效愚策以備采擇曰求豪傑以典兵嚴刑罰以 不悅無為也兵備告急提督不悅無為也總副以 7.7 何 制

大臣四年と 發覺發覺而捕弗滿品者死其後畏誅上下相匿以文 爐得無可探予崖得無可窥乎昔漢作沈命法盗起 民巡按御史嚴行祭論重治益凜凜矣今論治者誰也 也故人畏之陛下詔巡撫守巡兵備等官如再庇惡殃 以聞不敢以聞則不敢動衆非欺蔽無謀耳何謂嚴刑 子忠失之夫不敢言兵則不敢任事不敢任事則不敢 必迫兵食匮乏其處必周誓不與賊生矣不然業學之 以制命爐熾莫探崖峭莫窥何者探必焦而窺必順 石淵集

而 是繁騏驥之足而责千里也其必重委任去尺幅使之 過也至借彈劾以脫身因調遷而無仕尚謂之法哉 願無拘臣以文法得一切便宜從事益用人而拘 假之權而制其命固難能矣何謂慎 不為專少如而不為挫所以解苛細而求功實也 假便宜以重權襲遂一郡守耳猶曰治亂民不可急 轉市租可以餐士卒贖金可以充賞勸先發

金女巨人 台西

辭避灋盜賊滾多今法不至如漢而人皆欺蔽則寬之

改定四年公島 八 撫則 **煦防送如奉縣兒租載而歸遂名已撫朋伍** 從 則喜怒爱惡惟賊之從惟吾之聽則一無永寧惟賊之 渠 則 也惠州之權果誰在哉候騎至郊隻兵莫接外 撫之就古益有之所以待育染而處服馴 魁而順然悍也况乎勝之而 權在賊權在我則部置散合惟吾之聽權在賊 不銷田人之田室人之室攻叔 朝無夕叛二者相去若建與楹三尺重子不可 石洞集 撫則權在我不勝 臽 如盤毒益甚 直 非以娟

徳同天地 澤及昆蟲豈重北垂而輕此南荒僻遠之 鬪之則有不支訴之則為妄語此良民之所以糜 之乎今得豪傑而用之嚴賞罰假事權誠心而行 美薰蒸實禍蔽塞整整殘息何由至陛下之前而訴 相機而動 剿之足以為威撫之足以為德庶我哉民 有 惡孽之所以蕃滋也山谷日殺人里胥日張燕虚 更生之日也人之於身 即其一毛無不爱者陛下 則欺蔽非也愚戆小臣犯咻怒吐情實惟陛下 爛

金龙 四州 白雪日

哀憐 臣聞天下之言雖其至常而要之不能易者君子之所 應詔書五 足國用凡三篇 省费冗

**火气四年全野** 

言哉然未有舍食而能濟饑舍衣而能拯寒是以雖其

不弃也饑則曰食寒則曰衣此兩言者豈非天下之常

至常而不可弃省费冗務搏節此亦天下之常言也足

石洞集

野

量徵派其以後加添者盡華乘與之際人所難言也陸 哉昔者宋之仁宗稱恭儉矣是時賂敵歲貴金繪數 自勉以率家人節用度減減獲裁雇傭抑于弟誰敢 國之道無以易此臣亦安敢舍而不談以避腐儒之前 百萬此如子錢之人責負于門雖欲貶損而不可得今 雖然在人者易處而在已者難割也的口內府供應 加意節省用自有餘該部照弘治及嘉靖初舊額酌 家伸縮操縱惟在于上如巨富之室歲入偶數

金りにん

/: - TIE

**灰定四車全書** 遊亦至千餘令一學教官必三五輩其教視古何若高 言其以千萬數耳仲尼弟子盖三千人漢之經師其從 修軍政篇已各言之吏之冗者雖更僕未易終也臣特 矣蘇賴謂害財者三曰冗吏冗兵冗費兵食之計臣於 樂享萬拜惟正之供以觀示天下而在人之冗有可言 弘道德之風去靡麗之飾慎起居斤珍怪嚴近幸戒逸 额勇力工匠之班隊成畹內庭之賞賜豈固不如制哉 下割之矣以此推之光禄太常之厨役熟衛監局之員 石涧集

間養望乃以居之臣愚以為守備外并宜裁罷此於中 惟設行部分列六曹後既定都南京諸司仍而未華投 者十三給之有罪科斷如律開國功臣不失爵位亦數 得其已官者軍政治事乃支全俸額視職掌而止帶俸 為非計也誠宜嚴賞功之格重比武之令使官不可輕 十二三萬天下武職瑜十萬人五倍於告揭膏脂以養罷 者乃課舉業樂業須課之哉盡削其訓三四千員可處省 耳此何功德哉五倍之羡奚啻數百萬也初建北京

欠日日日の時 侯分為大夫公田采地不出於國漢之謀臣賈誼主父 祀征伐宫室城郭百官之費在其中後世子孫繼為諸 宗之冠憑叔父之尊其封於魯為方百里燕享朝聘於 知也而臣則感於古馬封建諸侯周室為盛周公以功 禄米為甚先朝諸臣已屢言之廟堂之議非草茅所與 其俸幾二十萬斟酌裁罷則所省追勘少哉至於冗費 遷不別置官成周並建惟命留後無用此大事為也况 都特為雄勝亦足以控制東南真安陵寢矣盖有商五 石洞集 哭

并令出入其問盖百姓兄弟初均受産數世之後子孫 餘王府州郡自邊儲軍糧吏廩預備造作與凡典籍之 勝之患也漢天子自有三河東郡潁川南陽與內史等 其爱郡王以下秩秩絕絕朝廷無任其責此所以有不 金人四月八十 凡十五郡今兩畿兩浙財賦所自出京師所仰給也其 偃立眾建之策行推恩之令亦使子孫受祖分地今天 下郡國皆屬朝廷征伐宫室城郭百官之費諸王不與 可廢者外悉以付之初為均定其制後雖子孫多寡

鹽鐵冶丹穴巵茜之事與王者将家不管津津矣及叙 欠定四年全書 雖或不齊終不損此以與彼矣聞慶府分封郡王曾於 先之然後知遷傷切於世憤其所為末作濫而本葉 臼 是特舉一二大者以此推之財用庶可足乎 臣嘗讀司馬遷所為貨殖傳列致富人十數家具道鹽 主觀變超時若猛獸擊鳥之於少以李悝務盡地力 萬米內分撥不知此時奉何例也天下害財固不止 闢土田 石川県

中古者畿内謂之甸服栗米總廷於是而出所以省 将便資給也國家建都北平古為燕國無故諸侯官 在唐鄧汝潁陳蔡許洛荆襄淮楚問臣未敢論論畿 産而行乞於市也土田當闢古今諸儒具有論著大者 **ダバ爭刀錐指計僮奴扼吭而誅其入所謂舍萬金之** 治生之正道哉皆窳之人負郭千項荒蕪不治持籌執 城郭之壯麗玉帛會同之輻輳百官萬民之殷庶何敢 也故曰本富為上本富次之比豈昧於大較悦奇勝惡

K

林胡樓煩西有雲中九原南有滹沱易水即今畿內東 措齊晉又當帥師爭馳中原乘勝逐止期翔千里之外 無齊趙之地長短相互實亦當之昔者纖悉出於其國 比其為費非微細矣蘇泰入蘇時東有朝鮮遼東止有 而今盡仰江南非所以富國息民也蘇秦謂燕足於棗 西所至視昔雖狹而南有渤海鉅鹿至於邯鄲濮陽盖 栗支數年不言稅稻之事豈非人謀地利漸乃出哉臣

次定四年 全唐·

石洞集

仰望萬一

一然自文公以後立於疆國之間北迫蠻貉內

萬給以為利本而取息於數載之遠非富厚之家不能 赢萬里而直千里之内弃而不妆甚可惜也然出數十 與轉兵會漕路渚功相十利相百矣窮山澤計毫毛取 富燥然可觀也按成式法往智數歲之後其效立見比 捍築之方名募敕授之法器具工作之資蜃蛤粟米之 抵檀順皆從司農個種於慕之馬水泉陂塘之迹門 克托大興管田西自西山東至遷民鎮南起保定河間止 觀往牒何承矩耕水田於河北虞集議海田於京東托

等令内帑金有未用者所謂不急非即且富人之出錢 欠官四年全世 受命而不自量上雖用之常有輕之之意及其未成而 成難矣天下之人每病太怯不敢任事事偶相值漫然 也度其能價且在旦夕而後貸之與水利闢草來亦旦 轍有言曰買人之治産也將欲有為而無以為資者不 貧者一日之入尚不足一日之用而何暇思乎其他蘇 夕可償者也雖然事議非難任難任非難用難用非難 以其所以謀朝夕者為之也取諸其不急之處指鹽鐵 石洞集

之大獨無一人可使乎抑洪武初天下土田八百四十 豪傑效職亦千古之縣也今朝廷之上望治如渴天下 來實盡其利籍流民墾曠上得戶一十二萬君相委心 原條經理即陽不可稱哉荆襄迤西沃壤千里逢養為 專責之事終以濟故足述也方冊遐矣成化中都御史 奪其葉古之君子先量其身而又要乎其君君能用之 則受命而不解不能用之不敢一日茍然以武而君亦 九萬餘項至弘治已失其半近日司農所入又多註馬 <u>K</u> **欠足四年全時** 富強固強圉萬世之利也然而法相因也弊相乘也察 以來開中之格廢而折色之例與至於今日穀栗貴而 相因之機審相乘之勢故弊革而法成也自成化弘治 臣聞國家治邊塞以制遠人修屯鹽以代輸輓所以立 為朝廷任事者富强之道在任用矣 不耕之田固不少矣獨畿內哉藩府州縣雖有農官孰 輕謀國之臣莫不咨嗟嘆息於洪武永樂間矣是 理屯鹽 石洞集

名游開除斤荒茶而責販易小民以數引之鹽任萬**頃** 贈智哉時使然也承平久而武備衰数令弛而阡陌廢 之人衆富商大買耕則徒易集雜則困易足豈其人之 殊俗驍將勁兵楊旌萬里之表旃裘之君不敢南向而 應開中知其難矣且商買之權孰與縣官縣官不能號 牧墩臺之内即堂閨也當是之時墾田之今行而闢 野蕭然千里彌望雜猶艱阻乃欲使之疾耕積粟以 可不求其故也開國之初士馬盛於北陸威稜震乎

をプログ

火包可事文書 馬京邊軍自團管乘障外隐占役放者悉驅於農已有 而後修復屯田東自遼薊西至甘凉地非願鹵皆墾治 司於各邊都御史總之將折色銀發司和羅以充軍饟 即今也田未能遊復臣愚以為宜如丘濟之說立常平 十餘倍矣持此溢美以為勞費亦相值也折色豈過乎 賢 貫哉况昔支鹽一引輸栗二斗五升令至銀六七錢 而享其成者也廣屯樹厚儲蓄誠縣官所宜為者何必 之地則臣見其勢之不能得也天下之事未有群其勞 石洞族 五十三

侵戲動借之方又溢例分斗面火耗之增加查盤勘合 令益嚴奸弊益甚富商大賈十八困馬芻粟之上不免 竈丁復令附帶以重商賈亦可見其法之不能行矣律 賦稅所餘穀栗即如丘陵貿易變遷縣官不問也鹽 正額外所産餘鹽絲毫銖兩悉屬朝廷既無工本以 之濡滞而又兩地搭配數世守支官攢忽其貪饕稱掣 有所取所謂相因者也至於鹽課有可言矣農人既供 月糧官給牛種器具行之數年其入必多報中上納將 課

金ラス人

ノニー・

一人とり自己計 勞逸相懸其獲亦倍電丁納銀無消豁追償之患前数 鹽地方變賣嚴繳退引商電於引目外買賣皆級夫正 貿易商人給引下場買鹽官於要津照引而稅從各行 利之所以益假而名之所以難至也臣愚以為天下鹽 額不失每歲所產之鹽皆取而稅較之名商自賣不惟 課皆令折色隨各司上下之鄉酌以前增減之數定為 因之上下賣窩占中剋之於先奏求私贩奪之於後此 引税銀幾錢運司徵解鹽無官私聽竈丁與商從便 石洞集

金罗正石石量 莫究其所将至則宣責智哉 勢察其機而法於是乎可復茍聽頹壞莫知其所從起 法即可舉行蓄積既多可以濟屯田之所不及盖先王 省其守支未盡者或轉般或改撥期一二年而折色之 **渫惡推剽之虞不禁自息日久事定多餘鹽官亦可漸** 抑之困可以少解法既通融人鮮爭奪勢豪專利之心 所得易於變化自不至於逃亡節目簡易商人侵削滞 之法遗於世者纖悉備至及其久也皆不能無弊審其



